

萬有文庫

第二集七百種

王雲五主編

讀史方輿紀要

(二)

顧祖禹撰

商務印書館發行

讀史方輿紀要

(二)

顧祖禹輯著

國學基本叢書

讀史方輿紀要

卷三

歷代州域形勢三 晉 十六國

司馬晉世筦魏權。傾危弱主。西滅蜀。東滅吳。遂并天下。

史略初。司馬昭謀侵吳蜀。諭其衆曰。吳地廣大而下溼。攻之。用功差難。不如先定巴蜀。三年之後。因順流之勢。水陸竝進。此滅虢取虞之勢也。計蜀戰士九萬。居守成都及備他境。不下四萬。然則餘衆不過

五萬。今絆姜維於沓中。

沓中在今洮州衛西南羌中也。時維軍敗於洮陽。內畏黃皓不敢歸成都。因求種麥沓中。洮陽即今洮州衛治。

使不得東顧。直指駱谷。

駱谷在今西安府藍屋縣

西南百二十里。舊爲南入漢中之要路。詳見今漢中府備駱道。

出其空虛之地。以襲漢中。以劉禪之弱。而邊城外破。士女內震。其亡可知也。乃

以鍾會都督關中。規進取。姜維聞之。表後主宜遣軍分護陽安關口。

陽安關即陽平關也。見前蜀漢重鎮。

及陰平之橋頭。

在今鞏昌

府階州文縣東南白水。上詳見階州陰平道。

以防未然。後主不省。旣而昭遣鄧艾督軍。自狄道趨甘松沓中。

狄道今臨洮府治。時艾爲征西將軍。屯狄道。甘松在

今洮州衛西南

以連綴姜維諸葛緒督軍自祁山趨武街橋頭絕維歸路緒爲雍州刺史屯上邽武街今鞏昌府成縣治橋頭卽陰平橋頭鍾會統大軍

分從斜谷駱谷子午谷趨漢中

斜谷在鳳翔府郿縣西南三十里駱谷見上子午谷在西安府西南百里俱詳見漢中府褒斜等道

以衛瓘持節監軍事時漢勅諸

圍皆不得戰退保漢樂二城

漢城今漢中府寧羌州沔縣西南西樂城是也樂城今漢中府城固縣東南舊城是也初諸圍皆據險拒敵令不得入平地姜維易其制欲誘敵深入而後擊之

會遂平行

至漢中分軍圍漢樂二城徑趨陽安關關口無備遂下之長驅而前鄧艾擊維於沓中維敗走聞諸葛

緒已塞道屯橋頭乃入北道欲出緒後緒引却維還從橋頭過至陰平聞關城已破卽陽平關乃退趨白水

白水今保寧府昭化縣西百里景谷城卽故白水縣

合諸軍守劍閣

劍閣在四川劍州卽劍門也見前

以拒會會不能前鄧艾進至陰平上言敵已摧折宜

遂乘之若從陰平由邪徑經漢德陽亭

今龍安府東北有故德陽亭

趨涪

今成都府綿州治也

出劍閣西百里去成都三百餘里奇

兵衝其腹心出其不意劍閣之守必還赴涪則會方軌而進劍閣之軍不還則應涪之兵必寡矣遂自

陰平行無入之地七百餘里鑿山通道造作橋閣山谷高深至爲艱險先登至江油今龍安府江油縣進擊諸葛

瞻於涪瞻敗退住綿竹

綿竹故城見前公孫述據成都

復擊破之漢人洵懼後主遂降悉定蜀地其後十餘年羊祜鎮襄

陽請伐吳曰期運雖天所授而功業必由人而成今若引梁益之兵水陸俱下時王濬監益梁諸軍荆楚之衆進臨

江陵即祐所統也平南豫州直指夏口時胡奮爲平南將軍王戎爲豫州刺史徐揚青兗竝會秣陵徐揚王渾所統青兗琅邪王佑所統秣陵即吳都也以一隅之

吳當天下之衆勢分形散所備皆急巴漢奇兵出其空虛一處傾壞則上下震動雖有智者不能爲吳

謀矣吳緣江爲國東西數千里唯有水戰是其所便一入其境則長江非復所保還趨城池去長入短

非吾敵也及祐卒舉杜預自代預復請伐吳許之命琅邪王佑出涂中涂潯通今江南潯州胡氏曰即潯州王取真州之路真州今揚州府儀真縣

渾出江西渾時都督揚州江西自和州出橫江渡之路王戎出武昌胡奮出夏口杜預出江陵王濬唐彬下巴蜀時彬爲巴東監軍凡六道

而使賈充將中軍屯襄陽節度諸軍王渾出橫江在今和州東南二十五里即大江也所向皆捷王濬克丹陽在荊州府歸州東南七里進克

西陵荆門荆門見前岑彭破荆門夷道即今夷陵州宜都縣杜預克樂鄉見前吳重鎮取江陵於是沅湘以南沅湘見七國楚南卷沅湘接於交廣望風

降下胡奮克江安江安即公安吳南郡治此杜預定江南改曰江安縣王濬復進克武昌長驅至建業吳人或降或潰濬舟師過三山

在應天府西入石頭石頭城在應天府西二里吳主皓出降吳地悉定

仍都洛陽。

都邑攷。晉都洛陽。愍帝都長安。南遷後。都建康。

即孫吳建業也。

分州十九。

沈約志。太康元年。天下一統。凡十六州。後又分雍梁爲益。荆揚爲江。益爲寧。幽爲平。凡二十州。今從通典。

司州。

治洛陽。統郡十二。晉改漢魏之司隸爲司州。永嘉以後。洛陽淪沒。大興四年。司州僑治合肥。尋治滎陽。咸康五年。又治襄陽。永和十二年。還治洛陽。後沒於苻秦。太元五年。收復。隆安中。又沒於姚秦。義熙十二年。司州復治洛陽。

河南郡。

漢郡也。領洛陽等縣十二。洛陽卽秦漢時舊治。

滎陽郡。

本屬河南郡。泰始三年分置。領滎陽等縣八。滎陽見前。

宏農郡。

漢郡也。領宏農等縣六。宏農卽漢舊治。渡江以後。僞立宏農郡於尋陽界內。今江西九江府有尋陽故城。

上洛郡。

本漢之京兆及宏農郡也。泰始二年分置。領上洛等縣三。上洛今陝西商州治也。

平陽郡。

魏分漢河東郡置。領平陽等縣十二。平陽卽魏舊治。

河東郡

秦郡也。領安邑等縣九。安邑卽漢故郡治。渡江後。嘗僑立河東郡於厚陵縣界之上明地上。明今湖廣松滋縣西有故城。

汲郡

本魏之朝歌郡。後廢。秦始二年。改置汲郡。領汲縣等縣六。汲縣卽魏朝歌郡治。其後石勒析置東燕郡。治燕縣。今衛輝府昨城縣也。

河內郡

漢郡也。領野王等縣九。野王今懷慶府治。河內縣是。

廣平郡

魏增置郡也。領廣平等縣十五。廣平卽魏舊治。本屬冀州。晉屬司州。

陽平郡

亦魏所置郡。領元城等縣。元城魏郡治也。本屬冀州。

魏郡

漢郡也。領鄴縣等縣八。鄴漢郡治也。本屬冀州。

頓邱郡

漢東郡地。秦始二年分置。領頓邱等縣四。頓邱今大名府清豐縣有頓邱故城。漢魏俱屬兗州。

兗州

治廩丘。今東昌府濮州范縣東南有廩丘故城。統郡國八。惠帝以後。兗州淪沒。建武初。兗州僑治鄒山。大寧三年。寄治廣陵。建元二年。寄治金城。永和八年。僑治下邳。太和四年。移治山陽。尋還廣陵。太元六年。以廣陵爲南兗州。鄆城爲兗州。旣而青兗二州皆

寄治淮陰。義熙七年。復以兗州治廣陵。八年。青兗二州皆鎮京口。鄒山。今兗州府鄒縣東南故鄒城是。金城。今江寧府上元縣北三十五里有故金城。山陽。今淮安府附郭縣。淮陰。今淮安府西北四十里。故淮陰城是也。餘並見前。

陳留國

漢郡也。領小黃等縣十。小黃。今開封府陳留縣東北三十里有小黃故城。其後石虎改爲建昌郡。屬洛州。東晉咸康四年。於北譙界僑置陳留郡。

濮陽國

本漢東郡地。晉泰始初分置。領濮陽等縣四。濮陽卽漢東郡治。南渡後。僑治淮南。

濟陽郡

漢郡。領定陶等縣九。定陶卽漢濟陰郡治。南渡後。僑治淮南。

高平國

漢山陽郡也。晉改爲高平國。領昌邑等縣七。昌邑亦漢山陽郡治。晉安帝時。僑置山陽郡。治山陽縣。卽今漢陽府治。

任城國

漢故郡也。領任城等縣三。任城亦舊治。

東平國

漢故郡。領須昌等縣七。須昌。今兗州府東平州治是。

濟北國

漢郡。領盧縣等縣五。盧亦舊治也。

泰山郡

漢郡。領奉高等縣十一。奉高。漢郡治地也。

豫州

治項。今開封府陳州項城縣。統郡國十。永嘉之亂。豫州淪沒。大興中。豫州寄治譙。尋又寄治雍邱。大寧初。寄治壽春。咸和四年。又寄治蕪湖。咸康三年。寄治郟城。郟城旋陷於石趙。復治蕪湖。永和元年。移屯牛渚。二年。仍治蕪湖。九年。治歷陽。十一年。移鎮壽春。

自是進取。則屯壽春。守江則屯歷陽。蕪湖。隆和元年。移鎮汝南。旋還壽春。太元初。鎮姑孰。九年。以姑孰爲南豫州。汝南爲豫州。旣而以豫州寄治歷陽。謂之西府。義熙六年。復鎮姑孰。沈約曰。永和十一年。豫州屯馬頭。升平元年。戍譙。咸安元年。鎮歷陽。寧康元年。復徙姑孰。太元十年。又戍馬頭。十三年。又徙歷陽。義熙二年。則復戍姑孰也。雍邱。今河南杞縣。見春秋杞國。蕪湖。今江南太平府屬縣。姑孰。即今太平府治。馬頭。今江南鳳陽府懷遠縣南二十里有故城。餘並見前。

潁川郡。秦故郡。領許昌等縣九。
許昌即漢末舊都也。

汝南郡。漢郡。領新息等縣十五。新息。今河南息縣。見春秋息國。晉志。惠帝分汝南立南頓郡。治南頓縣。今河南商水縣是。亦見春秋頓國。又明帝分置汝陽郡。治汝陽縣。咸康中廢。尋復置。今汝寧府治是。

襄城郡。本潁川郡地。秦始皇二年分置。領襄城等縣七。襄城。今開封府許州襄城縣。南渡後。元帝僑立襄城郡。治繁昌縣。今江南太平府屬縣也。

汝陰郡。魏增置郡。後廢。秦始皇二年復置。領汝陰等縣七。汝陰。即魏故郡治。晉志。惠帝時分汝陰立新蔡郡。治新蔡縣。今汝寧府屬縣。南渡後。孝武又僑置南新蔡郡。屬南豫州。在今廬州府舒城縣境。

梁國。漢故郡也。領睢陽等縣十二。睢陽。亦漢梁國舊都。晉志。武帝省陳郡入梁國。惠帝復分梁國立陳郡。治陳縣。即故郡治也。東晉孝武太元中。僑立南梁郡。在壽春南界。

沛國。漢舊郡。領相縣等縣九。相。即漢沛郡治也。

譙郡。魏增置郡也。領譙縣等縣七。譙。即魏故郡治。

魯郡

漢郡領魯縣等縣七魯縣卽漢魯國舊都是也

弋陽郡

魏增置郡領西陽等縣七西陽今黃州府東南百三十里西陽故城是沈約云晉惠帝分弋陽郡爲西陽國屬豫州宋嘗改屬郢州治西陽縣疑惠帝以後弋陽還魏舊治也劉昫曰吳分江夏置蘄春郡晉改曰西陽郡卽唐之蘄州云

安豐郡

魏增置郡領安風等縣五安風卽魏郡治

冀州

治房子今真定府趙州高邑縣西南十五里有房子故城魏收曰治信都統郡國十三胡氏曰晉南渡後幽青冀并四州俱僑治於江北孝武太元七年復取齊地幽冀二州皆徙治焉

趙國

漢郡領房子等縣九房子卽州治

鉅鹿國

秦郡也領壘陶等縣二壘陶今趙州寧晉縣西南二十五里故城是

安平國

漢故郡也領信都等縣八信都卽漢信都國都是也

平原國

漢郡領平原等縣九平原卽漢舊治

樂陵國

魏增置郡領厭次等縣五厭次今山東武定州治也

勃海郡。漢郡。領南皮等縣十。南皮。今河間府滄州屬縣也。

章武國。魏置郡。後廢。晉泰始初復置。領東平舒等縣四。東平舒。即魏故郡治。

河間國。漢郡。領樂城等縣六。樂城。即漢故國都也。

高陽國。漢郡。領博陸等縣四。博陸。即漢治。晉志云。泰始元年置。蓋中間或廢。後復置也。

博陵國。漢郡。領安平等縣四。安平。即漢故治。

清河國。漢郡。領清河等縣六。清河。今廣平府西北故甘陵城是也。

中山國。漢郡。領盧奴等縣八。盧奴。即漢中山國故都。

常山郡。漢郡。領真定等縣八。真定。漢真定國舊都是也。

幽州。治涿。見前涿郡。統郡國七。太元中。幽州寄治廣固。廣固故城在今青州府城西北八里。

范陽國

卽漢涿郡也。魏改曰范陽。領涿縣等縣八。涿卽州治。

燕國

漢故郡也。亦曰廣陽國。魏更舊名。領薊縣等縣十。薊卽漢廣陽國故都。

北平郡

秦郡。領徐無等縣四。徐無。今直隸薊州玉田縣東故城是也。

上谷郡

秦郡。領沮陽等縣二。沮陽卽漢舊治也。

廣甯郡

本上谷郡地。太康中分置。領下洛等縣三。下洛。今直隸保安州西百里有故城。

代郡

秦郡。領代縣等縣四。代縣。今大同府蔚州治是。

遼西郡

秦郡。領陽樂等縣三。陽樂。在今大寧廢衛故柳城郡東。

平州

治昌黎。今直隸大寧廢衛故柳城東南。有昌黎廢縣。統郡五。魏嘗置平州。後罷。晉咸寧二年。復分幽州置。永嘉以後。平州屬於慕容氏。

昌黎郡

魏增置。領昌黎等縣二。昌黎。見上。

遼東郡

秦郡。領襄平等縣八。襄平卽漢舊治。

樂浪郡

漢郡。領朝鮮等縣六。朝鮮卽漢舊治。

元菟郡

漢郡。領高句麗等縣三。高句麗卽漢舊治。

帶方郡

本公孫度置。魏因之。領帶方等縣七。帶方卽魏舊治。

并州

治晉陽。卽後漢舊治。統郡國六。建興以後。并州淪沒。義熙五年。嘗寄鎮淮陰。十四年移鎮蒲阪云。

太原國

秦郡。領晉陽等縣十三。晉陽見上。

上黨郡

秦郡。領潞縣等縣十。潞今潞安府潞城縣。

西河國

漢郡。領離石等縣四。離石今汾州府永寧州治。

樂平郡

魏增置郡也。晉志云。秦始中置。領沾縣等縣五。沾卽魏舊郡治。

雁門郡

秦郡也。領廣武等縣八。廣武。今太原府代州西十五里有故城。

新興郡

魏置。領九原等縣五。九原。卽魏故郡治。

雍州

治京兆。統郡七。惠帝時。河間王顓據長安。治安定。又移新平。建興以後。雍州淪沒。元帝時。雍州僑治於鄠城。孝武時。於襄陽僑置雍州。太元十一年。寄治洛陽。以鎮衛山陵。尋還襄陽。鄠城。今襄陽府光化縣東有故城。

京兆郡

漢郡。領長安等縣九。長安。見前。太元十二年。分京兆。馮翊。宏農。置華山郡。領鄠縣等縣五。鄠縣。今華州治。亦見前。

馮翊郡

漢郡。領臨晉等縣八。臨晉。今西安府同州朝邑縣西南二里故城是。

扶風郡

漢郡。領池陽等縣六。池陽。故城在今西安府三原縣西北。見前。惠帝初。改爲秦國。

安定郡

漢郡也。領臨涇等縣七。臨涇。今平涼府鎮原縣東六十里有故城。

北地郡

秦郡。領泥陽等縣二。泥陽。今西安府耀州治是。

始平郡

本扶風郡地。秦始皇三年。分置。領槐里等縣五。槐里。見前。周都犬邱。南渡後。僑立始平郡於武當城。今襄陽府均州也。

新平郡。魏置郡。領漆縣等縣。二。漆卽魏故郡治。

涼州。治武威。統郡八。永寧以後其地爲張氏所據。

金城郡。漢郡。領榆中等縣五。榆中今臨洮府蘭州西二百里有故城。

西平郡。魏置郡。領西都等縣。四。西都卽魏故郡治。

武威郡。漢郡。領姑臧等縣。七。姑臧卽漢郡治。

張掖郡。漢郡。領永平等縣三。永平今甘肅衛治是。

西郡。魏初置郡。領日勒等縣五日。勒卽故郡治。

酒泉郡。漢郡。領福祿等縣九。福祿卽漢舊治。

敦煌郡。漢郡。領昌蒲等縣十二。昌蒲在今沙州廢衛西。又惠帝元康五年。分敦煌及酒泉地置晉昌郡。領宜禾等縣八。宜禾在今塞外故瓜州西北百三十里。

秦州。初治冀城。後治上邽。統郡六。晉志。魏始分隴右置刺史。領護羌校尉。中間暫廢。泰始五年。又以雍州。隴西五郡及涼州之金城。梁州之陰平。合七郡置秦州。鎮冀城。太康三年。復并入雍州。七年。復立鎮上邽。統郡六。江左以秦州寄治梁州。又於氐池立北秦州。

氐池。卽仇池。今陝西成縣西北百里有仇池城。

冀城。見後漢涼州注。上邽。見三國魏秦州治。

隴西郡。秦郡。領襄武等縣四。襄武。今鞏昌府城東南五里。襄武故城。是惠帝分置狄道郡。領狄道等縣九。狄道。今臨洮府治。見前。

南安郡。漢郡。領獬道等縣三。獬道。卽後漢故郡治。

天水郡。漢郡。後漢及曹魏皆曰漢陽。晉復曰天水。領上邽等縣六。上邽。卽州治。

略陽郡。魏廣魏郡也。泰始中更名。領臨渭等縣四。臨渭。卽魏故郡治。

武都郡。漢郡。領下辨等縣五。下辨。今鞏昌府成縣是也。

陰平郡。魏置。晉志云。泰始中置。領陰平等縣二。陰平。卽魏故郡治。南渡後。復有南北二陰平郡。南陰平。今四川龍安府東百里有陰平故城。

梁州。治南鄭。統郡八。東晉大興初。梁州寄治襄陽。咸康五年。寄治魏興。建元二年。戍西城。太元二年。復鎮襄陽。義熙初。又移魏興。九年。治苞中西城。今漢中府興安州治。見前。苞中。卽今漢中府褒城縣也。

漢中郡。

秦郡，領南鄭等縣八，南鄭卽州治。

梓潼郡。

蜀漢置，領梓潼等縣八，梓潼，今保寧府屬縣。晉志：江左孝武時，分梓潼北界立晉壽郡，領晉壽等縣四，晉壽卽蜀漢梓潼郡治，漢壽縣也。

廣漢郡。

漢郡，領廣漢等縣三，廣漢，今潼川州射洪縣東南有故城。晉志：桓溫平蜀，復置遂寧郡，或曰譙氏所置，今潼川州遂寧縣是也。

新都郡。

本廣漢郡地，秦始皇二年分置，領雒縣等縣四，雒卽東漢益州治，太康三年郡罷，尋復置。

涪陵郡。

蜀漢置，領漢復等縣五，漢復，今涪州南九十里，故城是。

巴郡。

秦郡，領江州等縣四，江州卽漢以來舊治。

巴西郡。

蜀漢置，領閬中等縣九，閬中卽故郡治。晉志：蜀漢割巴西郡置宕渠郡，尋省入巴西。晉惠帝復分置宕渠郡，又以魏荊州所統之新城、魏興、上庸俱改屬梁州，東晉孝武又分巴西、梓潼置金山郡，或曰：今綿州卽故金山郡。

巴東郡。

蜀漢置，領魚復等縣三，魚復，今夔州府治，亦卽蜀漢故郡治也。晉志：穆帝時，嘗改屬荊州。

益州。

治成都，統郡八，惠帝永安以後，沒於李氏。益州寄治巴郡，後又移治巴東。永和三年，桓溫滅蜀，還治成都，咸安二年，又沒於苻氏。太元十年，復爲晉有。義熙初，沒於譙縱。九年，益州平，仍治成都。